



STINAPA TA INFORMA

TONIU KU HERMENT

Ántes tabata kere ku ser humano ta e úniko espésie ku sa usa hèrmènt. Pero djei a topa ku e chimpansénan ku tabata usa un pida taki pa saka vruminga for di nan nèshi. Pero esei por a akseptá fásil pasobra e chimpansé ta serka di e ser humano tòg? Basta otro tipo di makaku a sigui, pero eseiinan tampoko ta leu di hende. Pero ora ku a ripará ku tin sierto para tambe ta usa instrumento, a disidí ku mester laga e idea bai ku ta hende so por usa hèrmènt. Te ku poko tempu pasá e úniko bestia ku ta biba (parsialmente) den laman i ku ta usa hèrmènt ta e "Sea Otter", un bestia manera un raton di tamaño di un pushi ku un rabu plat pa e landa kuné. Esei ta kue kokolishi ku kaska duru i un piedra, pa despues drumi riba su lomba den awa. Unabes e ta drumí asina, e ta bati ku e piedra riba e kokolishi te ora e kibra. Sabí no? Pero resientemente a deskubrí un espésie di toniu den laman na West Oustralia ku ta siña nan yunan pa kue spòns di laman pa yuda buska kuminda kuné. Esaki ta un bon ehèmpel di kondukta ku a ser siñá di mama pa yu i no genétikamente. E toniunan den Shark Bay na Oustralia e ser señalá ta kue spòns ku nan boka i protehá nan nanishi delikado kontra spiñanan skèrpi di piská ora ku nan ta koba den santu den fondo di laman. Pero no ta tur toniu tabata hasié. Ounke mayoria di e toniunan tabata famia serka di otro, tabatin esnan ku no a siña e triki, pues ta un prueba ku no ta algu genético. Awor tin hopi prueba kaba ku toniu i dölfein por siña hopi den kautiverio, pero esaki tabata e promé prueba di algu ku nan a siña nan mes. E ta muestra ku nan por pensa i rekonosé uso di un hèrmènt. Anto den e kaso aki rekonosementu di e hèrmènt ta mas apstrakto ku djis kue un pida palu komo ekstenshon di bo dede pa kue vruminga. Nò, e echo ku nan por kòrda ku uso di e spòns ta yuda prevení doló ta un stap mas leu di inteligensia. Fasinante no? E ta laga bo puntra bo mes ta kiko mas e bestia inteligente aki ta kapas di dje ku nos no sa di dje ainda.

Skirbí pa Bruce Davidson - Saint James School of Medicine

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURESA



Traha huntu na un desaroyo duradero pa Bonelru